



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM
Komisija za vanjske poslove
Broj:01,2-011-1654-03/03
Sarajevo, 14.11.2003.godine

ZAPISNIK

Sa petnaeste sjednice Komisije za vanjske poslove

Sjednica je održana 12.11.2003.godine sa početkom u 09:00 sati.

Sjednici su prisustvovali sljedeći njeni članovi: Martin Raguž, Seada Palavrić, Izet Hadžić, Nenad Mišić, Vinko Zorić i Sead Avdić.

Sjednici je prisustvovao i Mitar Kujundžić-ispred Ministarstva vanjskih poslova.

Odsutni su bili: Azra Hadžiahmetović, Jelina Đurković i zbog službenog puta Milorad Živković.

Zapisnik je vodila Nina Kisić, student-stažista.

Predsjedatelj Komisije predložio je sljedeći

DNEVNI RED

1. Informacija o stanju akreditacije Bosne i Hercegovine za prijem u Partnerstvo za mir;
2. Rasprava o Rezoluciji SNSD o ulozi SAD-a u mirovnim misijama u BiH (neformalna rasprava);
3. Tekuća pitanja.

Ad.1. Komisija je razmatrala predloženi Dnevni red Komisije za vanjske poslove Zastupničkog doma Parlamentarne skupštine BiH i jednoglasno ga usvojila;

Ad.2. Gosp.Raguž je iznio uvod o stanju akreditacije BiH za ulazak u PfP, u kojem je naveo da će potpuni materijali o izvodivosti biti dostupni za 10-tak dana. Dalje je rečeno da je ulazak BiH u PfP strateški interes BiH, za koji su temeljni preduvjeti reforme (donošenje Zakona o obrani, zajednička komisija u Parlamentu za nadzor sigurnosne politike, transparentno financiranje, zajedničko Ministarstvo obrane; 15.12.2003. će se vjerojatno donositi odluka o Zakonu o obrani /komisija bi trebala izreći svoje mišljenje). Konstatirano je da Program za sigurnosnu suradnju dobro teče, te da će vjerojatno biti i nastavljen.

Gosp. .Mitar Kujundzić iz MVP-a BiH je iznio pregled odnosa BiH sa SAD-om, u kojem se navodi da je od proljeća 2003. godine u tijeku nova faza suradnje, a prekretnicu je predstavljalo potpisivanje sporazuma o ICC-u. BiH je ovaj sporazum potpisala zbog dva razloga - održavanja prijateljskih odnosa sa SAD-om i radi otklanjanja prijetnje koju je predstavljao unutarnji zakon SAD-a iz 2001. godine prema kojem SAD ne može biti angažirana u zemljama s kojima nije sklopljen sporazum ove vrste, a potpisnice su Rimskog statuta iz 1998. godine. Suradnju BiH i SAD na vojnom planu je demonstrirao i nedavni posjet američke fregate «Nicolas» Bosni i Hercegovini. Prilikom potpisivanja ovog sporazuma SAD je obećao suradnju prilikom ulaska BiH u PfP, što su predstavnici SAD-a i demonstrirali na madridskom sastanku NATO-a (na kojem je EU zvanično izašla sa prijedlogom da preuzmu mirovne operacije u BiH, a SAD se usprotivio). U ovom trenutku, SAD govori o eventualnom povlačenju trupa iz BiH zbog situacije u Iraku. Postavlja se pitanje što bi bilo rješenje za BiH. Predstavnik SAD-a, Grossman je 07.11.2003. godine boravio u Sarajevu i priopćio da SAD neće dopustiti autonomnu misiju EU. Od MVP BiH je zahtijevana izrada programa u vezi sa brojem trupa SAD koje bi trebale ostati u BiH i do kada bi ove trupe trebale ostati. Ponuđena je varijanta da SAD vode ured NATO-a u Sarajevu (ne kao diplomatske misije, nego u smislu vojnog kontingenta). MVP BiH smatra da BiH treba tražiti ispunjenje obećanja SAD-a datih prije potpisivanja sporazuma o ICC-u, ali i održavati dobre odnose s EU u smislu eventualne zahvale za ponudu o preuzimanju vojne misije u BiH. Zaključkom o balansiranju između misija SAD-a i EU završena je rasprava o ovom pitanju.

Ad.3. Što se tiče rezolucije SNSD-a, članovi komisije su se složili da se ovdje radi o preozbiljnom pitanju, koje ne treba biti rješavano ad hoc inicijativom. Ponuđena rezolucija se nije dotakla ostalih zemalja NATO saveza niti EU. Predloženo je održavanje tematske sjednice o ovim pitanjima što je i prihvaćeno.

Zaključak Komisije o ovom pitanju je da Rezolucija SNSD-a u postojećem tekstu ne može dobiti podršku, nužna je sveobuhvatna rasprava u kontekstu svih pitanja kojih se rezolucija dotiče, te da na sjednici Doma treba utvrditi zaključak da Rezolucija o ovom pitanju ide na tematsku raspravu na Komisiju za vanjske poslove u skladu s čl. 121/2 Poslovnika.

Predsjedatelj Komisije
Martin Raguz

Zapisnik sačinila: Nina Kisić, student-stažista